

الرشاد

س ۶ ۱ ۰ ۳ ۱

والله يهدي من يشاء الى صراط مستقيم ديني ، علمي ، ادبي ، سياسي هفتعلق بمجموعة اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

جلد ۱ - ۸

۱۶ ربيع الاخر ۱۳۳۰ پنجشنبه ۲۲ مارت ۱۳۲۸

عدد ۵ - ۱۸۷

مکتبائیت

فاضل محترم م. شمس الدین بک افسیدن آلدیغمز خصوصی مکتوبدرکه بک مصیب مطالعهلری احتوا ایتدیکی ایچون درجی مناسب کوردک :

سبیل الرشاد هریده اسمیه

افندم :

۱۲ مارت ۲۲۸ ، مدالی

وطنمزده فجر حریتک انفلاقی متعاقب مشیت الهی ده هدایتلری مقرر اولان ارباب ایمانی غایه سعادته ایصال ایده بیلیمک آرزوی صمیمی ایله تأسیسنه موفق اولدیغکز صراط مستقیم وظیفه تنویریه سنی بحق ایضا ایده بیلیمش وارباب توحیدی مؤسسسلرینه قارشی ابدیاً متدار برافشیدی. امر الهی به اتباعله صراط مستقیم تعقیب ایدنلره سبیل الرشاد اهدا اولنه جغنده شبهه یوقدی. صوک تشبکیز بوحقیقی تجلی ایتدیردی. صمیم قلبیدن سزى تقدير وتبریک ایدر وموفقیتکزی الطاف سبحانیه دن تمنی ایلرم. برنجی نسخه ده درج ایدلمش اولان پروغرامی دقتله اوقودم. سبیل الرشادک کوره جکی وکورمسی ایجاب ایده جکی وظائف عالییه دائر آری آری قسملر آچیلیمسی، ستونلر تخصیص ایدلمسی تکامله طوغری آتش اساسلی خطوه لر در. پروغرام احتیاج حاضره الیریشلی در. بالطبع لزومه کوره تدریجاً توسیع ایدیله بیلیر. عالم اسلامک قطعی واساسلی بر انتباه فکری به محتاج اولدیغنده شبهه ایدیله مز. اوتده بریده کوریلن نهضه فکریه به لازم کلن فعالیت واستقامت معینه یی ویرمک جزاؤد اسلامیه به عاؤد بروظیفه در. مرکز خلافتده انتشار ایدن سبیل الرشاد، بوکبی جریده لره بدرقه هدا اولمیلیر. ایشته اوزمان (اتبعون اهدکم سبیل الرشاد) فرمان جلیلی بوتون معناسیله تجلی ایدر.

فرقان مینک علوم وقنونک حال حاضرینه نظراً بر تفسیره محتاج اولدیغنی اعتراف ایتیه جک بر متفکر یوقدر ظن ایدرم. احادیث صحیحه نك افکار انامده طویلانان شهبائی تمامیه ازاله ایدم جک صورتده تشریحنه ده احتیاج قطعی واردر. سبیل الرشادک بو ایکی مهم وظیفه یی بحق ایضا ایده جکی شبهه سزدر. فکرجه سبیل الرشاد نشریاتنده ایکی غایه تعقیب ایتیلیر: بریسی ملتک متفنن کچنان کنجلرنده دینه قارشی اویانان لاقیدی وشهبائی اساسدن ازاله ایدمک یرینه متن ورسوخلی بر عقیده اقامه ایتک وديکریده کتله مسلمین ایله قون وفلسفه دن بی خبر هیئت علمیه نك تنویر افکارینه چالشمق، سویه اجتماعیلرینی یوکسلیتمک، اخلاق فاضله ایله اتصافلرینی تأمین ایتک، جهل ایله توأم اولان متعصبی کوکندن سوکوب آتهرق یرینه جرثومه عرفان وفضیلتی زرع ایلک نشر ایدیلن پروغرام عرض ایدیلن شو غایه ایچون چالیشیله جغنی کوستریور.

بوکون انکیزلر یکی دن اسکی غنغات تاریخیلرینه عودت ایتک آنارینی کوستریورلر. کرید مسئله سی حقنده المش اولدقلری وضعیت تمامیه بونی آکدیریور. حکومت معظمه حامیه نك تسامح وتغافل کرید مجنونلرینی صوک درجه شمارتمشدی: بونلر عثمانلو - ایتالیان محاربه سندن استفاده ایتک خولایرینه قایلیدیلر. یونانستانه جزیره نك الحاقی بر امر واقع شکلنه صوقق نیتی ایله کرید حکومت اختلالیه سی تبلیغات و اوامر رسمیه یی، مجلس ملینک اجتماعلرینی یونانستان قرالی نامنه یایمق کبی حرکات مجنونانه ده بولندیلر. بونلره ضمیمه اوله رق برده یونانستان مجلس مبعوثانسه کرید طرفندن مبعوثلر کوندرمک ایسته دیلر. حکومت عثمانیه بالطبع بونلرک کافه سنی حکومت حامیه نزدنده پروتستو ایتدی وکرید لیلرک شو کبی حرکاتندن نشئت ایتیه سی محتمل اولان تهلکه لره نظردقلرینی جلب ایتدی. فی الحقیقه عثمانلی حکومتی یونانستان حکومتک بوکبی حرکات مجنونانه یه عاشارات ایتیه سنه صبر وتأمیل ایده مزدی. وکرید مبعوثلرینک آتیه یه وصولی ایله برابر عثمانلی اردوسنک ده حدود یونانیه یی کچه جکی بدیهی ایدی. حکومت حامیه میاننده انکلتزه عثمانلی حکومتی طرفندن سرد ایدیلن شو ملاحظاتک بحق اولدیغنی جمله دن اول تصدیق ایتدی. مشارالیه ک تکلیفی اوزرینه حکومت سائرده متحدا کرید حکومت اختلالیه سنه یایمقده اولدیغنی افعال نالایقه یه تحمل ایده میسه جکلرینی، عثمانلی حاکمیتک خللدار ایدیله جکنه میدان ویرمه جکلرینی وشاید بوکبی افعال وحرکاتده دوام ایده رسه جزیره یه عسکر چیقاره رق یکیدن اشغال ایده جکلرینی بیان ایتدیلر!

طرابلس غرب مسئله سنه کنجه یه انکلتزه نك بزه قارشی مساعد بر وضعیت المق اوزره اولدیغنی حس ایدیلور. انکلتزه ده افکار عمومیه نك ایتالیا علمیه چویرلیدی، روسیه تحشیداتنک لوندرده بک شدتلی اعتراضلره وخوشنودسزلقلره معروض قالمش اولدیغنی، انکلتزه حکومتی ایله عثمانلی حکومتی آراسنده بغداد تیموریولی، کویت ودیگر مسائل حقنده یکیدن مذاکره شروع ایدلمه سی ایکی حکومت میاننده تقرب حصوله کلش اولدیغنی آکلاتدیریور. انکلتزه خارجیه ناظرینک صوک نطقنده کی ایمالری ده بونی اراؤ ایدیور. خلاصه انکلتزه حکومتی سوء ظنلردن تجرد ایده رک یکی تورکیانک هیچ بر آمال خصوصیه وجنکجووانه بسله مدیکنه امنیت حاصل ایتدیکندن بوکون مسالک سیاسی بزم حقمزده تبدیل ایتکده در.

بالطبع بوندن خوشلانیه جق، اظهار ممنونیت ایتیه جک برعثمانلی بولنه ماز. یوزیکرمی میلیون تبعه اسلامیه یی حاوی انکلتزه، اسلامیتی کنیدیسی ایله بزم آرامزده بر حائل، بر پرده، بر سبب کین وعداوت دییه تلقی دکل، بالعکس بر واسطه تقرب، بر عامل تألیف دییه قبول ایتیلیر. ایشته اوزمان ایکی حکومت آراسنده حقیقی وصمیمی بر آکلاشمه قابل اولور. بوایه هرایکی دولتک منافعه عین درجه ده لازمدر.

احمد آغایف

اجتماعیات و اخلاقیاته عاؤد ستونلر ملت اسلامیه نك حیات

خبردار ایتک ، بونلرک ظاهر آرنکین فقط حقیقتده چوروک و متعفن اولنلرینک اوزرلرنده کی جلائی مغفلی قازیمق ، اساسلی و قطعی بولنلرله اسلامیت آره سنده بر تضاد بولمیدیغی ، بولنه میه جغنی میدان چیقارمق ایجاب ایدر . تاریخ فلسفه فی ، فلسفه نك صورت ترقی و تکاملنی ، مسالک مختلفه فی و بالخاصه صوک زمانلرده پک زیاده تعمیم ایدن آته ییزم ، پوزیتیویزم ، ماته ریالیزم و ده ترمینیزم مسالک فلسفیلرینی تدقیق و بونلرک چوروک نقطه لرینی میدان چیقارمق و بوسورتله دینسزلکه اولان تمایلاته قارشلی فنی و فلسفی مانع لره ، سدلر حاضر لامق بوقسمک دائره شمولنه کیرمیدر . سیل الرشادک دیگر قسملرده تعقیبنی وعد ایتدیکی اصول تنویری ده بحقی ایفا ایده جکی محقق اولدیغندن بوتون موجودیمله موفقیتی تمنی ایلرم .

سزجه مناسب کوریلوب کوریلهمیه جکنی بیلمامکله برابر بنده کز (سیل الرشاد کتبخانه سی) نامی آلتنده بر سلسله آثار نشرینی ده پک فائده لی و تعقیب ایدیلن غایه یه قولایجه وصول ایچون پک امنیت بخش کورسورم . بو کتابلر آچیق و ساده بر افاده ایله بالخاصه علم کلام (قنون و فلسفه حاضر یه کوره) ، حکمت عالیة اسلامیة ، تاریخ فلسفه ، فلسفه عالیة ، علم هیئت (ریاضی و میخانیک قسملری چیقارلمق اوزره) ، حکمت طبیعه تجربیه (لزومسز اولان تفصیلاتندن و ریاضیات قسمندن تجرید ایدلمک شرطله) علم وظائف الاعضا ، علم تشریح ، علم حیات ، علم احوال روح ، علم الاخلاق ، علم تربیه ، علم اجتماعی ، علم حیوانات و نباتات (تصنیف و فسیله لرله تفصیلاتنه لزوم یوق) ، علم طبقات الارض ، علم مستحاثات ، تاریخ ادیان . . . قنرینه عائد اولملی و طرز تحریر لرله تطبیق ایدلمش اولان مه تودلری کندیلرینه مخصوص بولمیدر . بر حالده که بو کتابلر مدرسه لرده اوقونه بیلسون . و بونلری اوقویان طلبه علوم ویا افراد اسلامیة دن بر ذات هر هانکی بر متفنن ویا دینسزله مباحثاته کیریشیرسه عقیده سی صار صلم قسزین ایشک ایچندن چیقه بیلسون و خصمنی کندی دلیلی ایله الزامه موفق اولسون . آثار مذکورده ممکن مرتبه عمومک آکلاویه بیله جکی بر طرزده یازیلیدر که هر مسلم استفاده ایده بیلسون . بویولده نشر ایدیلجه جک سلسله آثار کک مدارس علمیه طلبه سی و کک مکتب شاگردانی ایچون پک چوق فائده تأمین ایده بیلور : طلبه علوم فی و فلسفی اساسلرله تجهیز ایدر . مکتب طلبه سنده فنی و فلسفه مثبته ایله اسلامیت حقیقه آره سنده بر تضاد ، بر تباین اولمیدیغنه دائر قناعت ویرر . افراد اسلامیة فی کابوس جهله و تعصب دن ، عطالت مطلقه دن و تمایلات مضره دن تخلص ایدرک (لیس للانسان الاماسی) حکم جلیلی موجبجه فضائل اخلاقیه ایله مجهز اولدقلری حالده بر حیات فعالیت سواق ایدر و مساعیلرندن بول بول استفاده ایتلرینی تحت تأمینه آیر . یتیشدیرم جککری چوجقلمک متین واصل بر تربیه آله رق تکمیل ایتلرینه سبب اولور .

ملتی تخلص و تنویر ایله مکلف اولان هیئت علمیه نك حالی ،

مستقبله سی ایچون ناظم وظیفه سنی کوره جکدر . صوک زمانلرده آوروپاده تعمیم ایدن سوسیالیزم ، ایندیویده آلیم کی مسالکله ، عدل و حیا اوزرینه مؤسس اولان اخلاق کهنه لکندن ، بوکونکی انسانلرک احتیاجیه متناسب اولمیدیغندن بحثله یرینه اقامه ایدلمک ایسته نیلن منفعت پر نسبیلرینه مستند اخلاق - آوروپاده هر نه کوریر وایشیدر لرسه بر حسن تقدیرله بلا محاکمه استقبال ایدن - زوبه لر طرقدن بزده ده نشرینه چالیشلمقده اولدیغندن اخلاق فاضله مزی ، حیات اجتماعی و دینگری محافظه و تمیه ایده جک جدی مباحثه ، اساسلی محاکمه لرله لزوم قطعی واردر . اجتماعیات و اخلاقیات عائد ستونلرده ملتک حیات آتیه سنی قورتاره جق ، عمومی استیلا ایدن کابوس عطالتی رفع و موجودیتگری کیرن امراض مغویه فی تداوی ایده جک اساسلری اوقویه جغمز شبه سزدر .

اک بویوک احتیاجلر مزدن اولان تعلیم و تربیه بحثکده اونو تلامسی شایان محمدتدر . عالم اسلامک بوکونکی سفالتی تعلیم و تربیه خصوصنده و شمدی یه قدر تعقیب ایدیلن اصوللرک ، دهاطوغریسی اصولسز قلرک سیده سیندر . آنا قوجاغندن باشلایه رق مکتب و مدرسه لرده و بالآخره محیط اجتماعی ده اولاد وطنه ویریلن تعلیم و تربیه ده معلومدر که هیچ برغایه کوزه دلمامکده ، معین بر اصوله توفیق حرکت ایدلما مکده در . بوکی بر تربیه نك نتیجه سی ایسه کوردیکمز فجیع منظره لری تولید ایلکده در . تربیه مجموعه سنده نشر ایدلمکده اولان مقاله لرده تشریحنه چالیشدیغ کبی تعلیم و تربیه ده بر مفکوره تعقیب ایدلمز ، حضرت حیدرک توصیه عالیه سندن استفاده چاره سی آرائنرسه چکیلن امکار پک بهوده کیدر و متین سحیه مالک کنجلر یتشدیرمک امکان خارجه چیقار . سیل الرشادک بو خصوصده ده وظیفه تنویری فی ایفا ایتمه سینه اشتیاقله انتظار ایده رز .

فلسفه مباحثه خصوصی صحیفه لر آیرلمسی بوباده کی احتیاجی تطمین ایده بیلیر . معلوم عالیبردر که شرقده و بالخاصه بزده ابن کالدن صوکره - کلبوی مرحوم کی بر قاچ ذات استننا ایدیلیرسه - فن و حکمت عالیة ایله توغل ایدن ذوات همان یوق کیدر (قاضی میر) ک ارسطو فلسفه سندن مستخرج کهنه نظریاتی بیله اوقومق شمدی یه قدر بیوک بر قباحث عد ایدلمش ، فلسفه ایله اوغراشانلرک اعتقادنده شبهه یه دوشولمک اعتیاد حکمنه کیرمش اولدیغندن محاکمات عقلیه و فیه یه قارشلی صنف علما بسبتون سلاحسز قالمشلر در . قنون ریاضیه و علوم طبیعیه یه وقوف پیدا ایدلمدن فلسفه نك مباحث عالیه سی آکلاویه میه جغندن ابن رشد ، ابن سینا ، شهاب الدین مقبول . . . کی ذواتک اثرلری ده - آکلایان کیمسه قالمیدیغی ایچون - ایدای رغبتدن دوشمش ، کتبخانه کوشه لرنده چورومکه محکوم بر اقلمشلر در . بوکون عالم اسلام بالکز بونلرک احیاسیله ده اکتفا ایده مز . فلسفه و فن صوک زمانلرده بسبتون باشقه استقامتله آلمشدر . دین مینی مدهش هجوملردن قورتارمق ، قورتاره بیلمک ایچون صنوف علمیه فی ، ارباب توحیدی بویکی فکرلردن

درسعادته سبیل الرشاد جریده اسلامیه سنه

محترم افندم ،

بو دفعه کان طین غزته سنده صراط مستقیم جریده فریده سنک (سبیل الرشاد) ه تحویل ایدلیدیکی اوقودق . عموم مؤمنینک باعث فوز وفلاحی اولان سبیل الرشادک نشرندن ناشی زیاده سبیله ممنون اولدق . مالک عثمانیه نکه اک هجرا کوشه سنده حدود جوارنده بولانان بڑ فقیرلر موفقیتکزه دعا خوان اولقدیز . سزلر کی فی سبیل الله چالیشانلری دارینده جناب حقک مسعود ایلده جکنه هیچ شبهه ائمه مکدهیز . اهالی اسلامیه پک زیاده انتباهه محتاجدر . قاتولیک پاپاسلرینک طوز وحوالیسنده فعالیتلری کوروبده متحیر اولمامق قابل دکادر . لکن عین زمانده اغلامقده قابل دکادر . بلا مبالغه عرض ایدیورمکه هر ایکی ساعتک بر موقعده بیکلرجه لیرلره مال اولمش پک عالی بنالر کوزه چارمقددر . ایشه ، بونلر کایسالردر . تکمیل مالیسورلرک ثروتلری بریره جمع اولنسه درت کلیسا انشا ایتلری ممکن دکل ایکن بو بنالر نصل یاییور ؟ ایشه شایان دقت نقطه لر بوراسیدر . بوکون خرسیتان مالیسورلری یالکز قاتولیک پاپاسلری طانیرلر . لاتشیه انلره جناب حق کی اطاعت ایدرلر . اوستریا صرف ایتدیکی میلیونلرک ایشه شمعی ثمره سی کورمکدهدر . بوکا مقابل بزم کویلی اسلام مالیسورلرک حالی جدا شایان نأسفدر . کویلرده مناسب برجامع شریف یوقدر ، خواجه یوقدر ، بوسیدن وقتیه مسلمان اولانلرک اکثریسی شمعی تنصر ایتشدر . اسمی محمد ، لکن خانه سنک بر کوشه سنده حضرت عیسانک و مریمک رسملری یاننده کوچوک بر قندیل . بونلرک یکانه اسبابی قطعاً بورالرده اهالی بی ارشاد ایده جک خواجهلرک دولاشمامسندن ایلری کلشدر . کچن عید اضحی ده تمام حدود اوزرنده (دنبوشه) نامنده کی اسلام کوینک ایلری کلانلرندن بر قاچ کشی دوغریجه عسکری قوماندانه مراجعتله بیرام نمازی قیلدیرمق ایچون عسکرلرک ایچنده بولنسی مأمول اولان بر خواجهنک کنیدیلرینه ترفیقا کویه اعزامی استرحام ایلدیلر . استرحاملری ترویج اولنهرق همان ایکی نفر ویرلدی . نمونیتلرندن قوماندانک اللری اوبدیلر . ارتق تصور ایدلم ، بیچاره اسلاملر بیرام نمازی قیلدیره جق خواجه بولمقدن عاجز ، نتیجه سی نه اوله جق ؟ معاذاه ایلروده بونلرده تنصر ایده جکلر . بونلر دور استبداده حکومتک کوستردیکی لاقیدلکدن باشقه برشی دکادر . حال حاضرده دخی بوکی خصوصانه مطلوب وجهله اهمیت ویرلیور .

از جمله ایکویز غروشلق مکتب معلمی کوندریلیور . ایکویز غروشه یالکز اعاشه اولنسی بیله غیر قابل ایکن طبعی جزئی اولان معاشه طمعاً کان خواجه دنده اونستنده استفاده اولنور . انشاء همتکزه اهل اسلام کنیدیسی کلایه جق ، کنیدیلرینک موجودیتلری تقدیر ایده جکلر . تکرار عرض ایدیورم ، جناب حق معینکر

مدارس اسلامیه نکه عقی غایله ره طوغری یووالا نهمسی ، یکرمنچی عصرده حالا عصامک ، عبدالغفورک و همیایله اشتغال ایدلسی پک یازیق و آجیقلی دکایدر ؟ ..

آوروپاده بولندیم ائنده کندی درسلمدن وقت بولدقجه اونیسرسته نکه الهیات (تئولوژی) شعبه سنک درسلرینه ده دوام ایدرک یتشدریلن علم دین اربابنک - اساس چوروک اولمقله برابر - فنی و فلسفی اساسلره نه قدر متین بر صورتده تجهیز ایدلمکده اولدقلرینی غبطه لره کورمشدم . اسلامیت کی عالی وفن و حکمت ، عقل و محاکمه اوزرینه مؤسس بر دینه مظهر اولدیغمز حالده کتله اسلامیه نکه واکتله یی سوق و تنویر ایله مکلف هیئت علمیه نکه حالی دوشوندکجه ، ملت اسلامیه یی نزن کابوس عطالت اسبابنک حالا ازاله ایدیلهدیکی کورددکجه یاسه دوشامک ، یورده پارچه لامامق قابل دکل .

ملت اسلامیه یی شوکرداب مدهشدن قوزتاره جق شی تعمیم معارف مثبتهدر . بوده سبیل الرشاد کی جرائد اسلامیه نکه نشریاتی و او یولده یازیله جق اثرلرک تعمیمی سایه سنده میسر اولور . بوخصوصده ایتدیکی کز مجاهده ، کوستردیکی کز فدا کارلق هر درلو تقدیرک فوقدهدر . مأموریت عاجزانه درسعادته اولسیدی فریضة اصایه دن بیلدیکم بوغایه - حسب الله - بوتون موجودیتله چالشمنه ووسع واقدارم درجه سنده مساعی مجله کنزه اشتراک ایتکه غیرتله افتخار ایدردم ... ملت اسلامیه نکه سعادت آتیه سی ایچون امید بخش کوردیکم مساعی عالیلرینه یقیندن وایستدیکم کی خدمت ایده مدیکمدن وجداناً متأثر و متأسفم .

اسلامده فن و فلسفه عنوانی ائنده یازدییم شیلرده - که اصل فلسفه وپسیقولوجی مباحثیه تعقیب ایدیه جکلردر - مع التأسف آرزو ایتدیکم کی اوله میور . چونکه بوخصوصده منتظم و نائق بولندیغدن پک چوق تبعات اجرا سنه ، بر چوق کتبخانه لره طولاشلمه سنه احتیاج وار . حالبوکه مدلی ده نکه بر کتبخانه بیله یوقدر . کندمده بولان کتابلر ایسه محدود ، بالطبع نقصانلری معذور کوریرسکر . مدلی اعدادیسی مدیری

م . شمس الدین

سبیل الرشاد ، ... حقمزده ابدال اولونان التفاتلره عرض تشکر ایلر . او قدر وسائطلرکه رغماً ، « اسلامده فن و فلسفه » مقاله لرینک فوق العاده نفیس و قیمتی اولدیغی بشون قارئلر مزجه مسلمدر . « سبیل الرشاد کتبخانه سی » نامی آئنده مفید وجدی برسلسله نشریات تعقیب ایتک بزجهده متصوردر . آنجق شو صر دلرده بوقیل آثارک طالبی ، مشربی آاز اولدیغی جهته جسارت ایده میورز . صلیلمایه جق بریغین آثار نشرندن متولد ضرری تلافیه ده سرمایه مز مساعد دکل . ان شاء الله خلقمزه جدی ، نافع آثار اوقومق هوسی او یانیرده بزده المزدن کان خدمتی ایفایه چالشیور .